

目睛露白

人之一身必元氣固則精血為之凝聚而瞻視有常也若元氣虛損則衛氣受虧是以督脉縮促致睛上吊而露白也若謂之風則謬矣遇此候別無他証者可以保元湯加陳黃米主之無魂失志不省人事者不治雖無他証而或見於七日之前則毒尚未解而氣血已離必不可治之症也

声啞

心之氣舉擊於肺而為音肺清則音清肺熱則音啞此必氣喉有痘熱毒閉塞肺竅而然也須分順逆為治如七日之後失音者乃內痘先熟而先靨則咽喉漸寬毒氣漸消声音自亮為順症也若七日之前失音者必毒氣薰蒸失於調解致肺竅不通閉塞管籥毒無從洩內痘糜爛舌齟成坑咽門腐壞馴至呼吸俱廢為不治之症矣或有內本無痘因食辛熱之物或多服熱藥所致者急用甘桔湯射干牛旁湯加玄參連翹

犀角治之或能言声不清者以火乘於肺也瀉  
白散加天花粉桔梗石膏片苓茯苓麥冬山梔  
治之或感風寒閉塞而声不清者參蘇飲加桑  
白皮杏仁石膏主之如法治之而効者吉否則  
凶

水噎

喉之竅若管籥然痘之初出細小不竟及肌表之  
痘成漿則內痘亦成漿而其毒壅於會厭然是  
乃飲食所進之處故飲湯水不易進納則溢入  
氣喉而發噎也若穀食有渣自能咽之從食喉  
而下非如水溢以犯氣道矣七日後見者不藥  
而愈何也外痘醫而內自痊矣若七日前見則  
為逆症由熱毒壅塞不能發於肌表故耳治用  
甘桔湯合解毒湯加牛子玄參荆芥麥冬若預  
以甘桔湯清其氣道安致有此患哉

驚搐

附癲癇

心者神之舍也痘毒本熱、氣擊動心神肝不能  
制故神不安而發驚搐治宜瀉肝利小便蓋瀉

肝則風去利小便則熱除風熱既退則痘出而  
驚自愈矣故痘未出而見此症者則升麻湯合  
消毒飲主之或紫草膏或蟬酥丸不可竟投涼  
劑蓋心一涼則氣血隨斂毒無從出也痘既見  
而有此症由熱毒之未解耳四苓散合消毒飲  
或紫苓湯或導赤散若風火相搏喉中痰鳴目  
睛上視面赤引飲喜居冷處者紫苓湯或抱龍  
丸若痘後胃弱飲食不化謂之食蒸發搐必面  
黃潮熱大便酸臭秘泄不調或吐利腹痛宜紫

霜丸下之大便秘者四順飲痘後毒嘗盡解而  
又發驚則心氣已絕神無所依必不可治 發  
癩癩者粉紅丸治之

痘後手足麻木無汗者參附湯若手足難動常出  
汗者芪附湯 卒然驚仆不省人事者用皂角  
為末吹入鼻中即甦古謂先痘後驚者不治痘  
正發而有此症能不為之可悼哉

又痘未出毒氣內逼目上竄譎叫如驚風者乃痘  
欲出之候也若誤認為驚而治之則毒氣內蓄

也始終固有用白虎湯加天花粉乾葛甘草然  
有汗加人參或辰砂六一散小水不利者四苓  
散氣虛保元湯加麥冬五味至於陰虛火動而  
發渴者固為難治之症理辯則謂六味地黃丸  
加桂心五味子乃治虛渴之聖藥也不可不知  
痘疹心書曰毒氣萃于陽明此時多發熱渴熱滯  
于內而外不得宣通故發渴也宜神功散服後  
猶渴者宜紅花子一味煎湯飲之如無子即用  
紅花湯加牛旁子服之此藥神妙能散胃口之

瘀血故也切不用可荔枝黑束椒姜等湯以助陽  
經之熱

暖氣

熱毒鬱於胃中欲發而不得發故暖氣治用半夏  
生姜湯加陳皮黃芩或四苓散加陳皮竹茹以  
利之

不食

痘瘡始終以脾胃為主若飲食如常者此臟府充  
實脾胃完固不消服藥若不喜飲食者必須辯

別而治之如泄瀉痘色灰白而不食者此脾胃虛而元氣弱也宜四君子湯或人參養胃湯七珍散治之如大便秘瘡掀腫不食者以毒盛而血熱也宜四物湯加解毒藥熱甚者加姜炒芩連便秘者下之萬氏云痘瘡不怕稠密只要能食

汗多

汗乃心之液由熱氣內蒸腠理開泄故液隨氣而出也自汗盜汗俱能虛人未漿之時恐不能灌

既灌恐不能靨既靨恐血脫陽虛變為他症最宜調理自汗宜保元湯加桂枝白芍浮小麥以飲之有熱加酒芩盜汗宜當歸六黃湯或當歸湯丹溪曰自汗不妨蓋濕熱薰蒸而然也此特為汗少出者言耳若汗大出身冷惡寒寧不早為之治乎此宜異功散救之寒不已者死 汗綴如珠者死 汗而昏沉者死 汗流煩渴者死不可不察

諸失血

風濕者平胃散加防風羌活汗之水腫者以五皮飲消之一方用蘿蔔子殼蒲蘆煎湯洗之立消又法柏樹葉桑樹葉煎湯洗亦消

### 驗動靜

凡痘以靜為貴內有不和則動凡靜屬陰而動屬陽痘之為症陰陽俱病但息欲其勻語欲其少寐欲其安寤欲其寧觸其瘡則吟拂其欲則鳴飲食二便如時此平人之候是謂靜而吉也如呻者身有苦也自語者神不清也喘粗者內熱

也腸鳴者泄也坐卧不寧者心煩也啼叫不止者痛也搖頭者風也指欲搔者痒也嚙物難者咽痛也咬牙者心肝熱也若悶亂躁擾譫妄昏眩如見鬼狀搖頭扭項手舞足擲目睛上視寒戰咬牙語音不出皆為死候如病向靜忽然擾動者異也須細察之痘色變而無他候者戾氣觸之也痘色不變又無他症以必有因但俟自定其有目瞑息微四肢僵直口噤痘壞昏睡不省者此真氣將脫魂魄欲離之兆又不可作靜

看也

稀痘仙方

牛黃

錢一蟾酥分三

辰砂

分七

絲瓜蒂

近蒂取五寸燒存性五錢

為末每一歲服一分砂糖湯調下

兔紅丸

服此可免出痘

辰砂

甘草

六安茶

各等分

臘八日午時

取生兔子血為丸梧桐子大逢三六九與兒

食之

鼠肉方

取雄鼠肥大者去皮毛腸穢用鹽醋爛煮與兒食之痘出稀少切不可使兒聞見亦不可對他言知但只可自設法取用不可用他人取討者恐防毒藥死的慎之或只用砂仁白水煮不用椒葱蒜韭并油煎等辛辣熱物若未食葷兒與食尤妙以屢試屢驗者

四脫丹

蟬退

蛇退

鳳凰退

即哺出雞子壳

神仙退

即父母爪甲

右各等分焙為末每服一錢煉蜜為丸菜豆

大每年除夜服服三年永不出痘

玄兔丹

玄參

酒洗五兩

兔絲子

水淘淨酒煮研爛為末

右二味俱不

犯鐵器為末黑砂糖為丸彈子大每日與兒服三丸沙糖湯下

葫芦花湯

八月採葫芦花不拘多少陰乾入除夜蒸籠湯浴兒或不出痘縱出亦稀少

苦棟子湯

苦棟子不拘多少煎湯浴兒或痘瘡不出出亦

稀少

三花丹

將出之痘用之能稀少

梅花

桃花

梨花

取已開未開盛開者陰

乾為末等分取兔腦為丸雄黃為衣用赤小

荳菜荳黑大荳三荳湯下

六味稀痘飲

將發痘預服之

山查

紫草

牛旁子

各一錢

防風

荆芥

各二錢

分甘草

分五

姜三片水煎服



輕斑散

治痘未見点時服之

絲瓜

近蒂三寸連皮子燒存性為末

硃砂五分 二味和勻沙糖

調下痘出必稀多者少少者無

掃痘如神散

絲瓜

升麻

芍藥

酒炒

甘草

山查

黑豆

赤荳

犀角

磨用

各等分每服三錢水煎服不

拘時看大小加減

預服萬靈丹

初發者一服即輕百發百中

麻

小者

葛根

三錢

甘草

三分

芫草茸

一兩

蟬退

姜蚕

洗

連翹

白附子

炒各三錢

山荳根

五錢

全蝎

去毒

雄黃

一錢半

射香

錢

蟾酥

一錢

好

右十二味和拌為丸皂角子大每服一九

草湯下

發熱有數種

生生子曰凡痘疹發熱與傷寒傷風傷食驚風等相似先當辨明傷寒之熱手足稍微冷無汗惡寒面色青慘不舒左額有青紋傷風熱手足稍微温自汗惡風面赤而光二者皆太陽症俱

頭項痛腰脊強 傷食熱目胞腫右額有青紋  
身熱而額腹最甚夜熱晝涼面色黃或吐利腹  
痛 驚風熱面色青紅額正中有青紋手心有  
汗時發驚悸 痘子之熱必顯四臟之症耳聾  
冷中指冷尻冷面燥腮赤呵欠頓悶乍涼乍熱  
多睡咳嗽噴嚏驚悸吐利○夫發熱者瘡疹常  
候也但熱微毒微熱甚毒甚微者勿藥甚者必  
宜及早清解原痘無逆險只在發熱之初調治  
之早觀其熱重神昏即以清解之劑投之或發  
表或攻裏法在不避必使一晝一夜表裏通和  
熱退為佳蓋毒解則熱始退熱退痘出自然稀  
疎明朗若不早為疎通表裏則毒無出路雖小  
毒穰成大毒迨及出齊則順逆險已定順者幸  
而無虞逆者無所措手矣古無順逆險之名稱  
順逆險者自魏桂岩始也

初發熱三朝証治活法

凡發熱疑似之間宜投人參敗毒散一劑發之是  
與不是一發便見萬菊軒曰大抵痘疹只宜發

盡勿使留伏于中

凡用發表之劑務察天時不可固執只宜平和之說極為誤事設遇冬寒及春行冬令之候腠理緻密血氣凝澁痘必出遲遲則蘊熱熱不得汗毒莫能洩必多壅遏之變急宜辛熱之劑發之桂枝葛根湯或五積散去乾姜

如天時熱則腠理踈豁氣血淖澤防其發洩太急恐懼潰爛之變必以辛涼之劑解之宜升麻葛根湯馭解散之類如春秋天時溫和不寒

不熱只以人參敗毒散最佳

保嬰丹 熱甚者用之捷効或就於前解散藥化下一丸能令重者輕輕者少以其極能解毒也初發熱時飲食二便如常精神清爽痘必稀少不須藥

初發熱時渾身壯熱焯焯然不渴清便自調與邪鬱在肌膚之間宜輕揚之劑發之升麻葛根湯甚者羌活湯

初發熱時其熱烙手目赤鼻乾唇燥小便赤大便

秘煩悶不安以表裏俱熱毒氣壅遏宜發表通裏雙解散主之

初發熱時表不甚熱煩躁不安口渴小便赤澀熱在裏用紫草膏保嬰丹辰砂六一散犀角山豆根之類清解之甚者三黃丸微利之

初發熱時腹中痛者以痘毒與穀氣相併急以麥芽山查紫蘓枳實砂仁陳皮溫而消之若腹脹硬痛大便秘者備急九下之

初發熱時咳嗽鼻流清涕參蘓飲主之

初發熱大便秘結急宜潤之恐熱毒內蓄宜紫草飲必使大便通利為好

初發熱嘔吐者要明外感內傷外感者二陳加柴胡藿香生姜枳壳和而解之內傷者二陳加藿香砂仁麥芽山查枳實蘓梗白芷消之胃弱而吐者六君子湯有毒氣上衝大吐不止者辰砂六一散甚者加石膏芦根湯亦佳

初發熱作瀉腹中不痛原無內傷者以痘內動與外邪搏激所致不必治瀉但以輕揚之劑升發

之痘出而瀉自止

初發熱自汗自吐自瀉者乃毒從上中下而出皆為吉兆但只在三日內裏不可多日恐元氣虛脫也

瀉有冷熱熱瀉者口渴小水少而身大熱四苓散加水通若乾嘔加姜炒黃連或六一散 冷瀉口不渴小水清重者理中湯輕者參苓白朮散久瀉者豆寇丸

初發熱二三日間有驚搖者導赤散羌活湯辰砂散○大便秘者三黃丸微利之 小便赤澀者導赤散 渴甚者葛根解毒湯 腹中痛者桂枝大黃湯 腰痛者人參敗毒散 自利者黃芩湯 吐利者黃芩加半夏湯 如脾胃素弱自利清白者理中湯九或四君子湯豆蔻丸合而服之

凡發熱及初見標時須問咽喉疼否但有微疼急清解之甘桔湯加牛蒡子 大抵痘要解咽喉為急務不早防以致失聲乾嘔水穀不入搶喉

嘔吐治無及矣

管氏曰發熱之初痘之吉凶皆兆於此故急宜表汗使臟腑胎毒及感不正之氣盡從汗散則痘出自然稀少蓋熱甚毒甚熱微毒微不必治妄汗則表氣一虛痘不能起發反為害也盛者汗之要在身熱盡退為佳其有一切雜症皆由毒氣欲出不能故耳一表散則毒氣盡洩諸症自退矣或有當解者解之當下者下之切不可執一也胡氏曰表熱壅盛非微汗則表不解裏熱壅盛非微利則裏不解正此之謂耳失此不治則毒氣漸盛而逆症隨見世人多忽於此及見逆症而後治之將何及哉

大抵治痘之訣妙在三法曰發表曰和中曰解毒知此三者於發熱見標之際預為之地則多可少重可輕自無以後變症故發表最先蓋痘疹只要發得毒盡不使留伏于內凡發表必兼解毒非發表之外另行解毒也痘既已出不渴不熱表裏無邪不須服藥如痘多毒盛裏實能食

者宜逆用解毒如裏氣不和或吐或利於和中  
法內畧蕪解毒若毒輕痘少惟裏不和胃氣虛  
者宜用和中則不必解毒也每發表須辛甘清  
陽之劑羌活防風升麻白芷桂枝之類和中須  
甘溫之品如人參當歸甘草芍藥之俦蓋中不  
足甘以補之解毒須苦寒之輩如牛旁連翹葛  
根芩連梔栝菖草之類蓋毒者火也凡用苦寒  
之劑必要酒炒可以活血達表且不犯胃氣切  
宜識之

痘宜依期施治治貴通變

翁仲仁曰夫痘由中以達外用藥因期而變通以  
其尚未見標必發熱三日然後見標出齊三日  
而後起脹蒸發三日而後灌膿漿滿三日而後  
收靨發熱之初耳尻中指俱冷耳後起紅絲呵  
欠噴嚏眼目困倦兩顴之間有花紋見者預知  
其為痘也發熱三日當托裏解表使其易出亦  
有氣弱而不能出者當微補其氣氣和則出快  
初不可用芪恐腠理密而難出也四五六日以

清涼解毒為主清涼則無血熱燥毒之患解毒則無壅滯黑陷之害七八九日以貫膿為主治法當溫補氣血氣血流行而成漿自易也十與十一二日以收斂為主大和氣血補脾利水則自然結靨此特語其常也蓋常者可必而變者不可必當隨候參詳安可執藥以應無窮之變哉言見紅點之時如荳輕少不可過表在後恐成斑爛或乾紅紫色急宜踈利不然在後必成黑陷四五日之內痘出至足心為齊苟未盡出於解毒之中宜兼發散若專於寒涼則痘遲滯不出七八日之間毒未盡解於溫補之中又兼解毒若偏於燥劑則毒盛不能化漿也十一二日之間漿未滿足必大補氣血畧兼解餘毒不然恐有癘毒溫疤之患以變通之妙要在隨時制宜也

人參敗毒散

羌活	獨活	前胡	柴胡	川芎	枳殼
桔梗	白茯苓	人參	<small>各等分</small>	甘草	<small>減半</small>
				生薑	



三片水煎服 一方加薄荷少許

參蘓飲

人參三分 紫蘓葉 桔梗 乾葛 前胡各四分

陳皮 茯苓各五分 枳壳三分 半夏二分 木香一分

生姜三片水煎服

升麻葛根湯

葛根 升麻 白芍藥 甘草各一分 水煎服

雙解散 即防風通聖散益元散二方也

防風 川芎 當歸 白芍藥 薄荷葉

大黃 連翹各五分 石膏 桔梗 黃芩各八分

白朮 桂枝 荆芥穗各二分 滑石二錢 甘草一錢

生姜三片水煎服

桂枝葛根湯

葛根 桂枝 赤芍藥 升麻 防風 甘草

各一錢 生姜三片淡豉一錢水煎服

保嬰丹

紫草茸酒洗忌鐵 纏莖藤燒存性 荆芥穗 防

風 升麻 大力子炒各二兩 天竺黃一錢二分如

黃一錢二分分代之 牛黃半一錢 辰砂用麻黃荔枝壳蟾酥  
自取真正者煎草煮過再飛 赤小豆 菘荳 黑荳各四十粒炒香 甘

草梢去皮 加紫草三兩水熬成膏半碗沙糖半

碗前藥俱製淨末和為丸圓眼核大辰砂飛過為衣未出之先濃煎甘草湯每服一九大

兕加一九凡遇發熱之時生姜葱白湯化下厚蓋表汗乃解毒之神藥

心要羌活湯

羌活 川芎 防風 山梔子 龍胆草

當歸各等分 甘草減半 薄荷葉三片 淡竹葉五片 水煎服

紫草膏 治紅紫黑陷熱毒

紫草茸 白附子 麻黃去節 甘草各五錢 全蝎八枚

炒 右為細末用蜂蜜一兩酒半匙 入紫草煎

熬成膏旋入各藥丸如皂角子大每服一九

仍用紫草湯化下 如治驚搐用金銀箔為衣

薄奇湯下

六一散

桂府滑石飛淨 大甘草去皮 每用一錢灯心

薄竒湯下 內加制辰砂三錢名辰砂六一散 治狂言妄語驚搐用防風荆芥薄竒天麻煎湯候冷調下 本方加鬱金名牛黃六一治痘後瘡癩瘻毒及天行瘟疫冷水調下多服大効

退火丹 治痘初出標大熱不退或稠密成片者神効

六一散 一料加雄黃飛過三錢 經坐荳藤燒存性一錢外用紫草木通蟬退地骨皮紅花大力子

羌活片芩灯心煎湯候冷調下極能解毒稀痘

### 四苓散

白朮 赤茯苓 澤瀉 猪苓

右為細末每服一錢

### 三黃丸

黃芩五錢 黃連 大黃各二錢半 為細末雪水搗丸

菴荳大辰砂為衣每服五七十九灯心湯下 備急丸

木香二錢半 大黃 黑丑頭末各五錢 為細末神麩

糊丸菜菔大每服五七丸山查湯下

桔湯

甘草二錢 桔梗一錢 水煎服

三荳湯

赤小荳 黑荳 菜荳各一升 甘草三兩 三荳用水

淘淨用水八升入甘草同煮荳熟為度逐日空心面東任意食荳飲汁服七日未不出

代天宣化丸 即韓氏五瘟丹也

甘草甲巳年君土 黃芩乙庚年君金 黃栢丙辛年君水 山梔丁壬年君木

黃連戊癸年君火 連翹佐 山荳根佐 牛旁子佐

先視其年所屬者為君次四味為臣君藥加一倍臣減半佐又減半共為末冬至日修合取雪水煮升麻汁打麵糊為丸辰砂為衣竹葉湯下

五積散

白芷 川芎各三分 桔梗一分半 芍藥 茯苓

炙甘草 當歸 桂枝 半夏各二分 陳皮

枳壳 麻黃各五分 蒼朮錢一 厚朴分四 右除桂枳

壳二味為粗末外十二味為末慢火炒令轉色攤冷次入二味末令勻水一盞半生姜三

片煎一盞溫服

辰砂散

辰砂錢一 絲瓜近蒂三寸連子燒灰存性為末

蜜水調服多者可少少者全無絲瓜解痘最妙 紫草甘草湯調服尤佳

連翹湯 忍解諸毒散風清熱痘後一切發熱癩

毒赤腫 連翹 防風 瞿麥 荆芥穗 木

通 車前子 當歸 柴胡 赤芍 滑石

蟬退 黃芩 山梔子 甘草各五分 紫草分五

水煎服

連翹升麻湯

連翹錢一 升麻 葛根 桔梗 甘草各七分 木通

八分 牛旁子錢一 白芍藥分五 薄荷葉少許 淡竹葉灯心

水煎服

消毒飲 治咽喉腫痛上膈熱盛 一方加升麻

牛旁子炒二錢 荆芥一錢 甘草 防風各五分 水煎服

翁仲仁十神解毒湯 專治身發壯熱腮紅臉赤

毛焦色枯已出未出三日已前痘點煩紅燥渴

欲飲睡卧不寧小便赤澁此熱盛也並皆治之

歸尾 生地 紅花 丹皮 赤芍 桔梗

木通 大腹皮 連翹 川芎 此方治血熱

痘疹以涼血活血為主佐以桔梗川芎有開

提發散之功引以大腹皮木通有疎利熱毒

之効臣以連翹丹皮有解毒之良用此以治

血熱痘疹則能內外分消熱毒雖盛庶幾解

散表裏自然和平矣古人用黃連解毒湯恐

驟用寒涼不惟冰伏熱毒及出不快抑且熱

毒為其所抑則鬱於臟府或肚痛腹脹內潰

而死者有之豈若此方用之為穩當若不得

已而用黃連芩栢亦須酒炒一以製其寒涼

之性二以助其上行之勢借連栢以解毒耳

加減法

身熱壯盛加 葛根 前胡 毒盛綿密加 荆芥

鼠粘子 渴加 天花粉 竹葉滑石 小便血加 犀角 山梔

大便黑加 犀角 黃連 或菝葜 仁 吐血乾嘔加 犀角 黃連

發紅斑加 犀角 黃芩 黃連 山梔 玄參 小便赤加 山梔

小便短澀加 猪苓 澤瀉 小便秘加 滑石 瞿麥

大便秘加 枳殼 胡 嘔加 橘紅 泄瀉加 猪苓 澤瀉 防風

大便秘喘加 枳殼 前胡 胡大黃 煩躁加 麥門冬 天花粉

煩渴狂亂 譫語加 知母 門冬 石膏 嘔吐加 猪苓 澤瀉 黃連

咽喉痛加 甘草 犀角 粘荊芥

以上並用灯心十四根水煎服

羌活散鬱湯 專治實熱擁盛鬱遏不得達表氣

粗喘滿腹脹煩躁狂言譫語睡卧不寧大小便

秘毛豎面浮眼張若怒並有神効并為風寒外

搏出不快者同治

防風 羌活 白芷 荊芥 桔梗 地骨皮

川芎 連翹 甘草 紫草 大腹皮 鼠粘

子 右為粗散水一鍾燈心十四根煎六分温

服

身初發熱及見點之際毒氣壯盛外為風寒所

抑或肌肉粗厚腠理堅閉肌竅不通經絡阻塞使清氣不得引毒達表循竅而出則熱毒擁遏於內為腹脹為喘急為秘結為狂煩為驚搖為失血皮燥毛直面急眼脹睡卧不寧驚啼多哭此熱毒擁遏之症辨認不差急宜用發散開提之劑佐以和解透肌之法則熱毒不擁而其出自易矣羌活白芷防風有升提發散解毒之長桔梗有開提勻氣之能荆芥連翹鼠粘善解鬱熱地骨皮消擁熱於筋骨之間且能肅清臟府

紫草滑肌通竅大腹皮引熱下行使內外有所分消用此以治熱擁之症效大而功用極妙若驟用寒涼如芩連升麻之類則熱為寒氣所抑不得伸越逗遛經絡為疽為疔者有之冰伏硬閉者有之至於人參黃芪白朮茯苓溫補之劑誤用則其擁盛禍不旋踵他如丁香桂木香姜附之類以熱攻熱殺人立至尤宜戒慎故發熱之初至見點之後並宜以本方處治依後法而加減之



加減法 初發熱壯熱腮赤面赤毛焦皮燥咳嗽

喘急加升煩渴加天花粉腹脹喘急鼻塞面赤

若怒毛直加黃便秘加當歸甚則加大嘔吐加

猪苓澤瀉陳皮禁用生姜丁香香洞瀉加升禁用白朮

荳蔻龍骨等劑喘嗽惡風加紫蘓失血加犀角地搖加

皮發斑加黃連黃鼻衄加犀角小便赤澁加石

山梔地驚悸加木通不思食加山傷食加神麩

麥芽煩紅赤色加生也紅花丹見標二三日間出不快利加大力子山查蟬

皮急肉緊身壯熱甚加葛根前胡見標三日之內並依本方加減及三日後痘

瘡出齊血包已成而前症悉平不得復用此

方恐發散太過難於行漿另有方藥在後其

禁用藥劑並從血熱痘症法而裁治之

太乙保和湯 又名紫草 透肌湯 專治血熱痘症服十

神解毒湯後熱症悉去內外和罕見點三日之

後不易長大粗肥者用之則能保和元氣活血

解毒助痘成漿易痂易落也

桔梗 紫草 川芎 山查 木通 人參

紅花 生地 甘草 糯米五十粒

右用燈心七根姜一片水一鍾煎至六分温服

便澁腹脹加大腹皮 繁紅不潤加當歸 蟬退

出不快者加鼠粘子 陷塌加黃芪

痛加白芷 不勻加防風 水泡加白朮 芍藥 嗽加五味子 麥

門冬 渴加麥門冬 痒加白朮 芍藥

七八日後漿足身復壯熱便秘煩渴腹脹喘急

前胡枳殼湯漿足禁用此方另立湯飲在後

益元透肌散 專治擁熱痘症服羌活散鬱湯後

擁症悉開氣血和平見點三四日後不肥大者

不成漿者用之則能勻氣解毒透肌達表領出

元陽助痘成漿而易結膿窠也加減以保和湯

同論漿足之後另有保嬰百補湯在後 按此

即太乙保和湯去生地紅花加蟬退鼠粘陳皮

水一鍾加燈心十四根棗二枚煎六分温服

血熱痘症禁忌

血熱痘症熱毒彌盛然毒氣無所分消只宜重用  
升提發散使毒得以達表而從外解引以滲泄  
使熱得以潤下而從內消佐以清涼消毒行血  
涼血之劑則痘雖稠密亦能消散而易出易化  
漿也所謂輕其表而涼其內十神解毒湯蓋得  
安表和中解毒三法盡善誠痘科之神方也丹  
溪曰熱者清之實者平之其此方之謂歟是故  
發熱至見點之後三日以前毒氣未盡達表內  
外彌盛血熱之症悉具辯症不差並只以本方

處治之切不可用參芪白朮茯苓補氣之藥於  
熱症未漿之前如誤而用之是謂實其實腹脹  
氣喘狂亂譫語咽喉腫痛口舌生瘡變症百出  
所謂邪得補而愈盛也嘔吐泄瀉慎不得用半  
夏丁桂乾姜木香藿香訶子肉果如誤而用之  
則是以熱助熱氣得熱而愈亢也燥症必至咽  
疼狂亂失血便秘無所不至矣至於龍骨枯礬  
澁滯之物且能使氣道阻塞是欲其出而反閉  
其門也腹脹之患生而喘急之勢至矣尤宜戒

之及至血包已成氣血定位頭頂白光勢將行  
漿又宜易方另行別議

三仁膏 治痘疹大便堅實不宜下者服此潤通

火麻仁

炒去壳  
一兩

松子

去壳去  
皮七錢

桃仁

去皮炒  
五錢

右研爛加芝麻一合微炒研細入蜜水研極  
爛以帛濾去殼同前三仁蜜湯調下看大小  
用之

見標三日証治活法

發熱三日後退涼見標飲食二便如常形色淡紅

踈朗抹過碍手者上吉不須藥

發熱一日便出者凶乃表虛毒盛也急用羌活散

加紫草牛旁蟬退煎調紫草膏或保嬰丹若治

之早十枚二三 若服後熱盛不退宜羌活散

調退火丹

若無保嬰丹用  
小一歲三厘十歲三分  
逐歲增加代

之矣

報痘時煩躁不寧腰腹痛不止口氣大臭痘見紫  
色者死

標色白皮薄而光根窠全無紅色或根帶一線紅

三五日即長如菘葢大此痘決不能灌漿久後成一包清水擦破而死不可因其好看妄與下藥

標出全不起頂如湯泡灯火燒者一樣十日後痒癩而死

標出時一片紅斑如錦紋者六日死遍身如蛇皮者死黑斑如痣狀肌肉成塊黑者立時死

凡見標踈少則毒輕不必妄治密則毒盛但要磊落大小分明不相粘連成片可用前藥進之或

托裏解毒之劑快斑湯消毒飲主之使其易發易靨 如出太密粘連模糊其毒尤甚托裏解毒之劑宜多飲之以防痒癩黑陷之變更察外症可治則治不可治則勿治

凡痘子初出最要唇口潤澤其毒則輕如唇焦裂舌燥有芒為毒火熾盛表裏鬱遏急宜解之黃連解毒湯加大力子 標後身熱未退清地退火湯

凡見標先要頭面稀踈磊落頸項胸前稀少其毒

則輕如面上一片糝糊未發壅腫蒙頭纏項胸  
前布密以毒盛也慎勿治之

凡頭面未見標而手足先出他處未起而手足先  
起他處未收而手足先收者以陽火太旺宜早  
解毒抑陽扶陰之劑四物湯合黃連解毒湯主  
之如他處俱起而手足起遲他處俱收而手  
足不收者以脾胃虛弱不能行其氣血達於手  
足宜補脾胃十全大補湯桂枝芍藥湯

凡初見標之時磊磊落落似稀疎之狀其後漸加  
日多一日以毒伏於裏氣虛弱不能使之即  
出須大補而兼解毒庶可十救二三也十宣散  
加無價散

石谷程氏曰凡發熱見標密無毫縫空地稠若蚕  
種者急用三元秘方救之每一歲兒用茜根芫  
荇子各三錢荔枝四枚若不起加葡萄一錢半  
好酒一鍾煎至五分候冷每用半盞挽熟水半  
盞時時慢喂之一日服盡次日再用水煎如  
前慢喂之但服此藥之後不可雜食他物以

傷胃氣小者只許食乳大者只吃粥若口渴即以此藥水飲之一以止渴又能清熱解毒切忌油膩煎炒恐滯腸作瀉則悞矣或十歲二十歲藥從一歲加起依數增加作一劑服之如年多劑大不能盡煎可分作二三罐煎之按前藥用酒煎者活血也後用水者清熱也熱盛必作渴代茶飲之足可解毒蓋前症不可補補則助毒又不得不補不補則不起發宜當解毒解毒又作瀉不解毒又攻內茲用三味代之既能解毒又可溫脾活血誠為千金良劑

凡痘發熱一二日便出或一齊擁出密如蚕種紅紫無縫急宜服之此時切忌保元恐溫補助毒以其血未活而漿不能化故用此三元解之俟其色淡血活熱勢已退然後進補庶為萬全凡皮肉間纍然紅點稠密急用纏莖藤加製過辰砂末連進二三服或薄苛湯調退火丹仍以牛旁為末敷顛門上以散熱毒非惟能使痘踈又且免使侵眼又方生地黄牛旁子搗成膏

貼面頰額角能退痘毒

一已出未出之時口鼻出血以血熱錯經妄行不可妄投熱劑宜用生犀薄酒磨服如鼻血不止胎髮灰吹入鼻中即止口鼻既血又大小便下血恐胃為熱毒所傷腐壞而然不可不知一出與地皮相平無突起之意乃是紅斑急用涼血解毒羌活散加酒炒芍藥紅花紫草蟬退木通占米連進二三劑退之夾疹同以治治之遲則紅變黑黑則逆而難治

大凡用紫草必用占米以制其冷性俾不損胃無洩瀉之患惟大熱大便燥者不必占米

大凡用當歸活血須以為藥收之免辛散助熱一標出他處未見獨出數粒於山根之上為毒盛氣虛犯上或發三五粒一塊者皆不吉之兆也急宜涼血解毒以防危急若腮頰地角之間踈踈朗、淡紅潤澤三四次出者為氣正道尊上吉症也

一出皮膚乾燥枯澁必難起壯用溪中白色石子



數枚燒紅以井水淬之使薰蒸瘡上或置被下薰之頃刻潤澤瘡即起發又能解穢

一色淡不紅活者血虛也以四物湯加減服之但地黄大能滯血不可輕用不得已須姜汁炒過人乳補血甚捷加酒少許佐之且血非氣不行又加四物於保元之中為陽生陰長之義

一瘡正出好飲水者以乃脾胃虛弱津液枯涸故也如恣飲則必傷脾洩瀉及發泡難靨之患保元湯加麥冬五味子止之

一瘡未起壯而頭面先腫者乃陰虛陽盛大下四物湯加人乳好酒服之以補陰與陽齊然陽易補陰難補宜急、勿遲否則悞事

一出即變黑者以為惡候如有起與急用托裏解毒之劑少用保元大加紫草紅花服之外用四聖散點之然早能涼血解毒必無此患亦多因脾胃衰弱血熱所致凡紅變白白變黃者生紅變紫紫變黑者死

一瘡全藉氣勻血活腠理疎通則出快而稀疎亦

無餘疔倘遇寒凍及勞役瘦弱之人血凝氣滯  
出則不快蓄於皮膚之間肌肉之上進退兩難  
日久變成黑紫禍不旋踵凡有此候當按令急  
與和劑如羌活散之類以疎利之其毒氣隨痘而出庶  
無變症保合太和之兆也 如頭面出不快以  
太陽經常用荊芥甘草羌活防風天麻湯 如  
胸腹出不快以少陽經常用升麻紫草木通紫  
蘇羌活湯 如四肢出不快當用芍藥紫蘓葛  
根甘草葱白連鬚羌活湯各加生姜連進二服

痘即出快

### 賊痘

凡賊痘與好痘一般但挽先起壯皮嫩嬌軟內係  
淡膿當用保元湯加占米煎服亦能回漿  
一出其色掀赤抹過皮軟不得指此係賊痘過三  
日變成水泡甚至紫泡黑泡者危症也若未成  
紫黑宜少進保元大加紫草蟬退紅花解之或  
灯草木通湯調六一散利去心經蘊熱而紅紫  
自退如已成水泡白泡或灰白色則保元中大

下四苓利之與千金妙法也不然則遍身抓破  
黑爛而死

起壯三日詎治活法

凡四五日來起壯活動一線紅暈而有根窠此為  
上吉蓋有根窠方見氣勻血活血活則毒化成  
漿收功結痂全藉此也若無根窠必是氣凝血  
滯按法速治

凡起壯肥滿乳食如常不必服藥

一四五日來起壯肥大中有一小孔自頂直下至

脚不黑不白與痘色相並此名蛀痘由表虛騰  
踈而然若不早治大洩元氣不能起發灌膿急  
用保元湯大加占米川芎肉桂提起內膿以實  
其孔度為佳兆三二劑後孔自塞滿若孔色黑  
乃疔也以疔法治之

一頂陷色白皮薄光洞者氣虛也

火照內外  
光明者是

大進

保元倍加酒炒黃芪肉桂川芎丁香人乳酒漿  
和服

一根窠淡枯澁不澤血虛也宜保元加酒炒紅花

川芎當歸芍藥加山查以消參芪之滯再加木香一二分調氣氣調而血自活矣

四五日痘色不宜紅紫乃熱毒不化若血熱仍當涼血解毒薰氣虛者保元加紫草木通紅花生地之類解之

一地紅血散乃血不附氣保元加當歸大加白芍藥以收斂之蓋芍藥味酸用之為君使血得以附氣且又能活血化漿此最上一乘之法切記切記

一洩瀉按寒熱急治至此再不宜瀉

若起壯遲緩根脚不紅活者以無價散一歲三厘看大小用之好酒調服或保元加人乳好酒丁香占

米山查血虛者加當歸鹿角膠

一黑陷及痘疔外用四聖散以油胭脂調點之內以涼血解毒如紫草紅花木通茜根少加保元進之其疔自退疔退者其虛實仍以保元補之一煩躁者內必有熱可用木通以引其火下行或以六一散灯心湯調俟冷服之 謔語者加三

制辰砂夏月井泉水服

如飲食不進者痘色何如未可輕投藥劑蓋其間  
有毒氣未盡者且山查紅花子紫草等藥清而  
解之 如脾胃虛弱痘色淡白宜保元加山查  
扁豆神麴 嘔吐加藿香

一倒痘頭面上未出從足底出起逆而上之縱起  
壯灌膿回至心窩下則毒攻入內大叫一聲昏  
迷而死雖踈快亦不免死乃逆症也候其出齊  
至頭面遂早丟去下身不治只將保元大加川

芎以升提之漸：使其自上而下起壯灌膿自  
上而下收斂結痂如常痘一般此鮮有知其妙  
者宜謹誌之 此逆痘若治之早以黃連解毒  
湯一帖以護其心可十全三五遲則百無二三  
矣

翁仲仁曰三日四日痘當出齊點至足心勢方安  
定猶有陸續不出之狀或隱：於皮膚之內不  
見不起者古名不快若非風寒鬱遏之因必有  
氣虛不振之過是以四日已前痘毒方出身表

宜涼四日已後毒出已定身宜溫涼則氣血和平痘色必然潤澤溫則腠理開通其毒易以成漿故至此而身不微熱雖未必至於冰伏而痘瘡斷乎不長四五日來血包已成候當肥大而粗頂宜發光而白故根紅而頂白者已具行漿之勢若還赤色過頭雖見嬌紅可愛延綿六日依然到頭室殼虛花皮薄而光亮如灯內含是水頂尖而根脚不紅行漿勿實是以毒熱盛而未解則為紫為黑壅而不起則為陷為癩滯而

不榮則為乾為枯為青為灰怯而不振則為不快為停漿或有肉先腫脹而痘反不起者漿則滯而不行面已虛浮而痘反退伏者毒則遏而不進故身不熱而痘不起已成冰硬之形赤色若還不復溫之可興氣血弱而不振遂成不快之狀紅潤依然如舊補之可生紫色乾枯切忌溫中帶補只宜活血鬆肌為壅為滯烈藥雖然可發透肌尤是良方溘洩惟於溫補瀉甚佐以升提

凡起壯時痘之根脚全然不起其頭面皮肉紅腫如瓜之狀者死○起壯時腰腹或疼或止遍身紫點如蚊蚤咬全不起發者死○起壯時痘伏陷不起腹中膨脹不能飲食氣促神昏者死畧能飲食用消膨藥治之○起壯時遍身黑陷悶亂不寧神昏氣潰者死○起壯時根窠紫色乾燥不活全然不起發者死

頂陷不起頭者年壽上痘起則不必憂如年壽上不起急與升天散一二服

痘半起忽然平陷而色白者急與內托散或補中益氣湯

痘色紅鮮反乾燥而不克肥者以火盛而血不足也宜退火涼血輕清之劑四物快斑湯主之

痘克肥而帶濕者以脾中有濕而氣不足也宜瀉濕補氣兼風藥治之蓋風能勝濕也四君快斑湯主之

一痘不起發不拘五陷用獨聖散或胡荽酒 若黑陷腹脹用猪尾膏

一痘乾尅不起者外用水楊湯洗之內服補中益氣湯

一起脹時手足見而復隱起而復塌者死以根本已摧枝葉先萎之象也

九假壯之痘其中有數粒起壯者是也至十二三日決不能回

漿結靨內攻而死矣 白痘者可急進保元加

川芎丁香生占米提氣灌膿而愈以內托法也

內托散即保元加川芎便是不必千金內托散 正壯之時痘雖起發而

皮膚不碍手按之水漿就出內色不暗是也

### 灌膿三朝症治活法

灌膿時根窠紅潤肥滿如黃蠟色飲食二便如常者上吉不須服藥

灌膿時皮白而薄純是清水與水泡相似者三四日後遍身抵破而死

灌膿時吐利不止或二便下血乳食不化痘爛無膿者死若二便不下血猶可用止瀉及消食之藥

灌膿時二便閉目合声啞腹中脹滿肌肉黑者死



一頂陷無膿為逆

火照之內外光洞手按之軟陷者無膿也火照之內暗不光洞

按之如鼓者有膿也

急用保元加歸芍肉桂木香占米煎

成入人乳好酒溫服

有一等肥白痘其色白不作膿俗名木痘以其人原有痰也用二陳四物湯合而服之一消一補仍將小麥粉作麵調與食之立時膿起紅活但不可妄投人參占米而助胃中痰火恐防口疳寒戰咬牙乃陰盛陽虛也大用保元加川芎肉桂丁香主之甚者加鹿茸

痘灌膿痛不止者氣滯也少用保元加山查木香以行滯氣如膿血已滿可大用四苓以利之而痛自止

凡灌膿三朝之內身涼痘灰白色或不進飲食寒氣逆上嘔吐或腹脹或瀉清水手足厥冷無陽症也急用二神加入保元連進數服溫而補之痒塌不止者血盛也少用保元大加何首烏牛旁子蟬退芍藥木香紅花 若將靨時微痒者不必治 有氣血虛而痒者十全大補湯加何首

烏盧甚者加鹿角膠

一發白泡如彈子大者用枣針挑破去水以活石末敷之仍服保元加白朮留皮茯苓以利皮膚之水如前後發紫泡是毒盛溢於皮膚之上必死

夫膿者血之化也有血方有膿無血則無膿痘至灌膿大勢已定故此時必以有膿為主有膿則生無膿則死痘至七日若頂陷不能灌膿者必由先失調治故也急看根窠血聚別無雜症速

宜大補氣血以充其頂頂滿膿足猶可回生若頂陷而色灰白此氣血俱離無能為矣

一頂陷無膿服內托藥而暫起不久又陷者膿未充足故也宜內托散倍加參芪當歸煎和人乳占米好酒服 若色灰白欲成倒塌皮薄易破者用淫羊補漿湯保元湯加芎歸升麻人乳好酒

一痘色紅紫漿不滿足欲成乾枯黑陷者當歸活血散合解毒湯加升麻石膏乾葛

一 遍身灌膿忽然一日變白變紅變紫者不可不  
察白者為虛宜內托散 變紅紫為熱宜當歸  
活血散合解毒湯

一 痘起壯灌膿俱好至八日大便忽秘常欲去而  
不能去急用歸尾枳殼芝蔴各三錢紫草生地  
黃芩各一錢煎服即通若失治至靨時忽然發  
熱而死 翁仲仁三仁膏尤妙

一 頂平脚潤漿不滿足十全大補湯加木香乾姜  
一 遍身無皮膿水流沾衣蓆不能轉動者用秘傳

茶葉方或敗草散內服內托散去桂加荊芥穗  
一 痘發痒滿面抓去而面上瘡痕隱然點點有起  
發之勢以猶可治急以托裏發毒止痒之藥用  
內托散加蟬退立驗

一 痘抓破而出血者以陽瘡出血也宜當歸涼血  
湯主之

一 灰白慘黯皮薄擦破無膿血者不治  
二 便不通目閉声啞腹中脹滿肌肉黎黑者不治  
一 瘡爛無膿吐利不止二便下血乳食不化者不